

YANGI O‘ZBEKISTON

Ijtimoiy-siyosiy gazeta

№ 263 (1324), 2024-yil 27-dekabr, juma



www.yuz.uz



yuz.uznews



yuz_official



yuz.uz_news



yuz



SAMMITDA KO‘P TOMONLAMA HAMKORLIKNING USTUVOR YO‘NALISHLARIDA QO‘SHMA DASTURLARNI AMALGA OSHIRISH MASALALARI KO‘RIB CHIQLDI

O‘zbekiston Respublikasi Prezidenti Shavkat Mirziyoyev 26-dekabr kuni Sankt-Peterburg shahrida Oliy Yevroosiyo iqtisodiy kengashining navbatdagi yig‘ilishida kuzatuvchi maqomida ishtirok etdi.



Amnistion Respublikasi Bosh vaziri Nikol Pashinyan raisligida (onlayn formatda) o‘tgan bu galgi uchrashuvda Belarus Respublikasi Prezidenti Aleksandr Lukashenko, Qozog‘iston Respublikasi Prezidenti Qosim-Jomart Toqayev, Qirg‘iz Respublikasi Prezidenti Sadir Japarov, Rossiya Federatsiyasi Prezidenti Vladimir Putin, shuningdek, YOII huzuridagi kuzatuvchi mamlakat — Eron Islom Respublikasi sanoat, konlar va savdo vaziri Said Muhammad Otabek ham qatnashdi. Kuba Respublikasi Prezidenti Migel Dias-Kanel ishtirokchilarga videomurojaat yo‘lladi.

Kun tartibidan ko‘p tomonlama savdo-iqtisodiy hamkorlikni yanada kengaytirish, sanoat kooperatsiyasi loyihalarini qo‘llab-quvvatlash, hamkorlikning ustuvor yo‘nalishlarida qo‘shma dasturlarni amalga oshirish masalalari o‘rin oldi.

O‘zbekiston Prezidenti so‘zining avvalida so‘nggi yillarda mamlakatimiz kuzatuvchi sifatida Yevroosiyo iqtisodiy ittifoqi bilan 22 ta yo‘nalishda samarali hamkorlikni yo‘lga qo‘yganini ta’kidladi.

2024-yilda O‘zbekistonning ittifoq mamlakatlari bilan tovar ayirboshlash hajmi 11 foizga oshdi. Oktyabr oyida Yevroosiyo iqtisodiy komissiyasi bilan savdo, sanoat, moliya, qishloq xo‘jaligi, transport va boshqa sohalarda 40 ga yaqin chora-tadbirlarni o‘z ichiga olgan Yangi uch yillik hamkorlik rejasini qabul qilindi.

O‘zbekiston, shuningdek, YOIIning savdo va yuk tashishni raqamlashtirish, elektron tijoratni joriy etish, iqlim o‘zgarishiga qarshi kurashish sohasidagi qator tarmoq dasturlarida faol ishtirok etmoqda.

Kelgusi yil mart oyida qo‘shma Ishchi guruhining to‘rtinchi yig‘ilishiga tayyorgarlik ko‘rilmog‘da.

Davlatimiz rahbari Yevroosiyo iqtisodiy ittifoqi bilan o‘zaro manfaatli hamkorlikning ustuvor yo‘nalishlariga alohida to‘xtaldi. Xususan, Prezidentimiz o‘zaro savdodagi savdo to‘siqlarini bosqichma-bosqich bartaraf etishga chaqirdi. Shu nuqtayi nazardan, O‘zbekiston va YOII davlatlari o‘rtasidagi savdoda tarif va notarif cheklovlarini qo‘llamaslik masalasini ekspertlar darajasida ishlab chiqish taklif etildi.

Amaliy harakatlar rejasini qabul qilgan holda, yaqin kelajakda texnik jihatdan tartibga solish tizimlarini yaqinlashtirish bo‘yicha maslahatlashuvlar o‘tkazishga tayyorlik bildirildi.

O‘zbekiston yetakchisi tadbir yakunida imzolangan Yagona bo‘jona tranziti tizimi to‘g‘risidagi bitimda mamlakatimizning ishtirok etishi, shuningdek, bo‘jona chegaralari orqali olib o‘tilayotgan tovarlar va transport vositalari to‘g‘risida elektron ma‘lumotlar almashinuvini tez fursatda joriy etish tarafdori ekanini ta’kidladi.

Sanoat kooperatsiyasi va mahalliyashtirish dasturlarini qo‘llab-quvvatlash mexanizmlari va vositalariga qo‘shilishdan manfaatdorlik bildirildi.

— Qo‘shma loyihalarni ilgari surish uchun ishonchli moliyaviy manbalarni shakllantirish maqsadida kelgusi yil boshida tartib-taomillarni yakunlab, Yevroosiyo taraqqiyot bankiga

a‘zo bo‘lishni rejalashtirmoqdamiz, — dedi Prezidentimiz.

Biznesni yanada faol jalb qilish va ishlabarmonlik aloqalarini mustahkamlash uchun qulay shart-sharoitlar yaratish maqsadida YOII Ishbilarmonlar kengashining yig‘ilishini 2025-yil aprel oyida Toshkent shahrida o‘tkazish taklif etildi.

Raqamli texnologiyalar va sun‘iy intellekt sohasida tizimli hamkorlik qilish muhimligi qayd etildi. Mamlakatimizni YOIIning integratsiyalashgan axborot tizimiga va “Raqamli ittifoq” loyihasiga ulash tashabbusi ilgari surildi.

Agrar sohada qishloq xo‘jaligi mahsulotlarini o‘zaro yetkazib berishni yengillashtirish, innovatsion agrosanoat loyihalarini amalga

oshirish va ilmiy ishlanmalarni joriy etishga qaratilgan kooperatsiya dasturini tayyorlash taklif etildi.

Sayyohlik almashinuvlarini rag‘batlantirish maqsadida davlatimiz rahbari YOII davlatlari fuqarolariga O‘zbekistonga ichki hujjatlar bilan kirish imkonini beruvchi tartibni joriy etishga tayyorgarlik bildirdi.

Shu bilan O‘zbekiston Respublikasi Prezidenti Shavkat Mirziyoyevning Sankt-Peterburg shahriga amaliy tashrifi yakunlandi.

“Pulkovo” xalqaro aeroportida oliy martabali mehmonni Sankt-Peterburg shahri gubernatori Aleksandr Beglov va boshqa rasmiy shaxslar kuzatib qo‘ydi.

O‘ZA

O‘ZBEKISTON RESPUBLIKASI PREZIDENTI SHAVKAT MIRZIYOYEVNING OLIY YEVROOSIYO IQTISODIY KENGASHI MAJLISIDAGI NUTQI

Hurmatli hamkasblar! Hurmatli yig‘ilish ishtirokchilari! Global va mintaqaviy tahdidlar, iqtisodiyotdagi beqarorlik va jahon bozorlaridagi o‘zgaruvchanlikning kuchayishi mamlakatlarimiz o‘rtasidagi sheriklikni kengaytirishning yangi yo‘llarini yanada faol izlashni taqozo etmoqda.

Ta’kidlash joizki, so‘nggi bir necha yil ichida O‘zbekiston kuzatuvchi davlat sifatida YOII bilan 22 yo‘nalishda samarali hamkorlikni yo‘lga qo‘ydi. Joriy yilda Ittifoq mamlakatlari bilan tovar ayirboshlashimiz 11 foiz o‘tdi.

Oktyabr oyida Yevroosiyo iqtisodiy komissiyasi bilan Yangi uch yillik rejaning qabul qilinishi, unga savdo, sanoat, moliya sektori,

agromajmua, transport va boshqa sohalarda qirqtaga yaqin aniq chora-tadbirlar kiritildi.

Shuningdek, biz savdo va yuk tashishni raqamlashtirish, elektron tijoratni joriy etish, iqlim o‘zgarishiga qarshi kurashish sohasidagi tarmoq dasturlarida faol ishtirok etish niyatidamiz.

Bundan tashqari, O‘zbekiston Hukumati qo‘shma Ishchi guruhining navbatdagi, to‘rtinchi yig‘ilishiga puxta tayyorgarlik ko‘rmoqda. Ushbu uchrashuvni kelgusi yil mart oyida O‘zbekistonda o‘tkazishni taklif etamiz.

Hurmatli hamkasblar!

O‘zbekiston bilan Yevroosiyo iqtisodiy ittifoqi o‘rtasidagi hamkorlikni kengaytirishning ustuvor yo‘nalishlari bo‘yicha qarashlarimizni qisqacha bayon etmoqchiman.

Birinchi. Bu savdo to‘siqlarini bosqichma-bosqich bartaraf etish bo‘yicha muvofiqlashtirilgan chora-tadbirlarni amalga oshirishdir.

O‘zbekiston va YOII o‘rtasida savdoda tarif va notarif cheklovlarini o‘zaro qo‘llamaslik to‘g‘risidagi bitimni imzolash masalasini ekspertlar darajasida ishlab chiqishni taklif etamiz.

Yaqin vaqt ichida amaliy harakatlar rejasini qabul qilgan holda texnik jihatdan tartibga solish tizimlarini yaqinlashtirish bo‘yicha maslahatlashuvlar o‘tkazishga tayyormiz.

Ikkinchi. O‘zbekistonning imzolangan Yagona bo‘jona tranziti tizimi to‘g‘risidagi bitimda ishtirok etishi ham savdo amaliyotlarini

kengaytirishga xizmat qiladi, deb hisoblayman.

Mamlakatlarimizning bo‘jona chegaralari orqali olib o‘tilayotgan tovarlar va transport vositalari to‘g‘risidagi ma‘lumotlarni elektron almashish bo‘yicha bitimlarni kelishishni jadallashtirish muhim ahamiyatga ega.

Uchinchi. Birlashma doirasida boshlangan sanoat kooperatsiyasi va ishlab chiqarishni mahalliyashtirish dasturlarini qo‘llab-quvvatlash mexanizmlari va vositalariga qo‘shilishdan manfaatdorlik bildirildi.

Shundan tashqari, qo‘shma loyihalarni ilgari surish uchun ishonchli moliyaviy manbalarni shakllantirish maqsadida kelgusi yil boshida tartib-taomillarni yakunlab, Yevroosiyo taraqqiyot bankiga a‘zo bo‘lishni rejalashtirmoqdamiz.

To‘rtinchi. Raqamli texnologiyalar va sun‘iy intellekt sohasida tizimli hamkorlikni kuchaytirish niyatidamiz.

O‘zbekistonni YOIIning integratsiyalashgan axborot tizimiga va “Raqamli ittifoq” loyihasiga ulash masalalarini birgalikda ishlab chiqishga tayyormiz.

Beshinchi. Agrar sohada kooperatsiya dasturini tayyorlash tarafdorimiz. Gap qishloq xo‘jaligi mahsulotlarining bozorlarimizga o‘zaro kirib borishini yengillashtirish, innovatsion agrosanoat loyihalarini amalga oshirish, ilg‘or ilmiy ishlanmalarni joriy etish chora-tadbirlari haqida bormoqda.

Oldinchi. Sayyohlik almashinuvlarini rag‘batlantirish maqsadida Birlashma davlatlari

fuqarolariga mamlakatimizga ichki hujjatlar bilan kirish imkonini beruvchi tartibni joriy etish niyatidamiz.

Hurmatli hamkasblar! O‘zbekiston mavjud salohiyatdan samarali foydalanish maqsadida YOII bo‘yicha sheriklar bilan yaqin va samarali hamkorlikni rivojlantirish tarafdori.

Fursatdan foydalanib, hurmatli Aleksandr Grigoryevich Lukashenkonni tashkilotga raislik Belarusga o‘tishi munosabati bilan tabriklayman va unga muvaffaqiyatlar tilayman.

Barchangizni, qardosh xalqlarimizni kirib kelayotgan Yangi yil bilan yana bir bor samimiy tabriklab, farovonlik va ravnaq tilayman.

E‘tiboringiz uchun tashakkur.

O‘ZBEKISTON PREZIDENTI OZARBAYJON PREZIDENTIGA HAMDARDLIK BILDIRD

O‘zbekiston Respublikasi Prezidenti Shavkat Mirziyoyev 26-dekabr kuni bo‘lib o‘tgan telefon orqali muloqotda Ozarbayjon Respublikasi Prezidenti Ilhom Aliyevga Oqtou shahri yaqinida yo‘lovchi samolyoti halokati oqibatida ko‘plab insonlar qurbon bo‘lgani munosabati bilan chuqur hamdardlik bildirdi.

Davlatimiz rahbari Ozarbayjon jabrlanganlarning barchasi tez fursatda yetakchisi orqali halok bo‘lganlarning sog‘ayib ketishini tiladi.

O‘ZA

KAMBAG‘ALLIK ORTGA CHEKINMOQDA BU — BIZ UCHUN ENG MUHIM KO‘RSATKICH

Yurtimizda “Inson qadri uchun” g‘oyasi asosida aholi farovonligini oshirish, ayniqsa, ijtimoiy himoyaga muhtoj qatlam vakillarini qo‘llab-quvvatlash bo‘yicha yangi tizim yaratildi. Uning doirasida ishsizlarni kasb-hunarga o‘rgatish, tadbirkorligini boshlashga ko‘maklashish, moddiy va ijtimoiy yordam ko‘rsatish borasida ulkan ishlar bajarildi. Bugun ham bu sa‘y-harakatlar izchil davom ettirilmoqda.

Davomi 2-betda

EKOFAOL YURT FUQAROSI MAQOMIGA MUNOSIBLIK MAS‘ULIYATI

O‘tib borayotgan 2024-yil yurtimizda ekologik masalalar yechimiga qaratilgan katta o‘zgarishlar, xalqaro darajadagi tashabbuslarga boy bo‘ldi. Buning mantiqiy davomi sifatida 2025-yil Atrof-muhitni asrash va “yashil” iqtisodiyot yili deb e‘lon qilindi. Xo‘sh, nega yangi O‘zbekiston ekologik masalalar yechimiga qaratilgan tashabbuslarni ilgari suryapti? Bunday tashabbuslar, ekologik ishlohtlar zamirida qanday hayotiy haqiqatlar bor? “Yashil” iqtisodiyot nima, atrof-muhitni asrash deganda nimalarni tushunishimiz kerak?

Shu kabi savollarga “Zarrabin” orqali javob topish uchun O‘zbekiston Ekologik partiyasi raisi, Oliy Majlis Qonunchilik palatasidagi O‘zbekiston ekologik partiyasining fraksiyasi rahbari Abdushukur HAMZAYEVga murojaat qildik.

Davomi 3-betda

Zarrabin



AYOLLAR TADBIRKORLIGI: SHAROIT, IMKONIYAT VA SAMARA

Karmana tumanidagi Narpay mahallasida istiqomat qiluvchi Xursanoy Hamzayeva hududda "Gulchi opa" nomi bilan tanilgan. Hayotining qirq yilini o'qituvchilik kasbiga bag'ishlagan bu ayol yoshligidan gul parvarishiga mehr qo'ydi. O'qituvchilikdan nafaqaga chiqqan Xursanoy opa ushbu mehr tufayli gulchilikni doimiy mashg'ulotiga aylantirdi. Ayni vaqtda ushbu yo'nalishda oilaviy tadbirkorlikni yo'lga qo'ygan qahramonimiz xonadonidagi issiqxonada 50 dan ortiq turdagi gullar parvarishlanmoqda. Uning turmush o'rtog'i va oila a'zolari ham tadbirkorlik faoliyatida yaqindan ko'makchi bo'lib kelmoqda. Hozir Xursanoy Hamzayeva o'z kelinlariga gulchilik sirlarini o'rgatib, ularni bu ishga jalb etgan. Turli gullarga burkangan gulxona nabiralarining ham sevimli maskaniga aylangan.

— Kasbim o'qituvchi bo'lsa-da, yoshligimdan gullar va ularni parvarish qilishga qiziqqanman. Nafaqaga chiqqanimdan keyin bu mashg'ulotga alohida e'tibor qaratish imkoniyati paydo bo'ldi. Yurtimizda ishbiarmonlik, ayniqsa, ayollar tadbirkorligi uchun barcha sharoitlar yaratilgan. Men ham bu imkoniyat va imtiyozlardan foydalanib, gulchilik bo'yicha oilaviy tadbirkorlikni yo'lga qo'ydim. Issiqxona qurib, parvarishlanayotgan gullar turini ko'paytirdik. Mehnatimizga yarasha yilning to'rt faslida ham daromadimiz yaxshi, — deydi Xursanoy Hamzayeva.

Prezidentimiz joriy yil 7-mart kuni Xalqaro xotin-qizlar kuniga bag'ishlangan tantanali marosimdag nutqida mahallalarda oilaviy tadbirkorlik uchun kreditlarning kamida 40 foizi ayollar ta'klif etgan loyihalarga yo'naltirilishi va shu maqsadda har bir hududda xotin-qizlar uchun hunarmandlik, tadbirkorlik markazlari va klasterlari tashkil etilishini ta'kidlagan, shuningdek, "Yoshlar daftari"ga kiritilgan 8 ming xotin-qizga biznesini boshlashi va mehnat qurollarini xarid qilishi uchun subsidiya, 10 ming nafariga esa imtiyozli kreditlar ajratilishi bo'yicha vazifalarni belgilab bergan edi.

Ushbu vazifalarning amaldagi ijrosi hududlarda xotin-qizlar bandligini ta'minlashda muhim omil bo'lmoqda. Navoiy viloyatida ham joriy yilda qator chora-tadbirlar belgilanib, xotin-qizlar har tomonlama qo'llab-quvvatlanmoqda.

Karmana tumanida bugungi kunda 76 mingdan ziyod xotin-qiz istiqomat qiladi. Joriy yilda mahallalarda ishsiz va ishlash istagini bildirgan 4093 ayolning ro'yxati shakllantirilgan. O'tgan vaqt



mobaynida ularning bandligini ta'minlash va tadbirkorlikka jalb qilish chora-tadbirlari natijasida 1297 nafari bo'sh va yangidan tashkil etilgan ish o'rinlariga joylashtirildi. Shuningdek, 132 nafari haq to'lanadigan jamoat ishlariga jalb qilindi, 156 nafari

subsidiya hamda 1246 nafari imtiyozli kredit ajratish orqali ishga bo'ldi. Muhimi, hududda tadbirkor xotin-qizlar soni ko'payib, ular tomonidan ishlab chiqarilayotgan mahsulotlar hajmi oshdi.

Hozir ro'zg'or yumushlari, farzand tarbiyasidan ortib, jamiyat hayotida faol ishtirok etayotgan, biznesini yo'lga qo'yib, odamlarni ish bilan ta'minlayotgan ko'plab tadbirkor xotin-qizlar orasida karmanlik hunarmand Gulshan Rustamova ham bor.

— Tikuvchilik yo'nalishida oilaviy tadbirkorlikni yo'lga qo'yganimdan keyin mahalladagi 6 nafar xotin-qizni ish bilan ta'minladim. Asosan, ayollar liboslarini tikib, ularga milliy bezaklar beramiz. Ularga nafaqat mahalliy aholi, balki xorijiy sayyohlarning ham qiziqishi yuqori. O'tgan vaqt davomida o'nlab shogirdlarimga chevarlik sirlarini o'rgatdim. Ularning ko'plari mustaqil ravishda ishlab, daromad topmoqda, — deydi hunarmand Gulshan Rustamova.

Navoiy shahrida 81 mingga yaqin xotin-qiz istiqomat qiladi. Joriy yil boshida o'tkazilgan xatlov natijasida 1391 nafar ishsiz xotin-qizning ro'yxati shakllantirilgan edi. Ularni kasb-hunarga o'qitish, tadbirkorlik faoliyatini qo'llab-quvvatlash maqsadida olib borilgan amaliy ishlar natijasida 1269 nafarining bandligi ta'minlandi.

Shaharning asosiy drayveri xizmat ko'rsatish sohasi hisoblanadi. Shundan



“Navoiy viloyatida eng katta hududga ega bo'lgan Konimex tumanida cho'l maydonlari ko'p. Avvaldan chorvadorlar yurti deb atalgan ushbu hududda ham so'nggi yillarda xotin-qizlarning yashash tarzi, turmushi va faolligi butkul o'zgardi. Ularni ijtimoiy himoya qilish, kasb-hunarga o'qitib, bandligini ta'minlashga qaratilgan chora-tadbirlar sababli tumanida har yo'nalishda ishbiarmon va tadbirkor ayollar safi kengaydi.”

kelib chiqqan holda, xotin-qizlarni kasb-hunarga o'qitish, bandligini ta'minlash va tadbirkorlikka jalb qilish bo'yicha ishlar mutlaqo yangicha yondashuv va tizim asosida tashkil qilindi. Natijada 215 ayol Navoiy

shahri "Ishga marhamat" monomarkazi, 133 nafari esa Xotin-qizlar tadbirkorlik markazida o'zlarini qiziqqan kasb-hunar bo'yicha bepul o'qitilib, sertifikatlariga ega bo'ldi. Bundan tashqari, mehnat migratsiyasida bo'lib qaytgan

“Karmana tumanida bugungi kunda 76 mingdan ziyod xotin-qiz istiqomat qiladi. Joriy yilda mahallalarda ishsiz va ishlash istagini bildirgan 4093 ayolning ro'yxati shakllantirilgan. O'tgan vaqt mobaynida ularning bandligini ta'minlash va tadbirkorlikka jalb qilish chora-tadbirlari natijasida 1297 nafari bo'sh va yangidan tashkil etilgan ish o'rinlariga joylashtirildi. Shuningdek, 132 nafari haq to'lanadigan jamoat ishlariga jalb qilindi, 156 nafari subsidiya hamda 1246 nafari imtiyozli kredit ajratish orqali ishga bo'ldi. Muhimi, hududda tadbirkor xotin-qizlar soni ko'payib, ular tomonidan ishlab chiqarilayotgan mahsulotlar hajmi oshdi.”



— Viloyatimizdagi ishsiz xotin-qizlar bandligini ta'minlash jarayonida kredit olish imkonini bo'limgan oilalarga davlatimiz tomonidan subsidiyalar ajratilmoqda. Shuningdek, ilk biznesini boshlagan ayollardan tashqari joriy yilda 860 nafar ishbiarmon xotin-qiz bank kreditlari asosida tadbirkorlik faoliyatini kengaytirib, qo'shimcha ish o'rinlari yaratib, ish beruvchiga aylandi. Bundan tashqari, "Kambag'allikdan farovonlik sari" dasturi asosida ham xotin-qizlarni har tomonlama qo'llab-quvvatlashni maqsad qilganimiz va 2025-yilda bu borada amalga oshiriladigan chora-tadbirlarni belgilab olganmiz, — deydi Navoiy viloyati hokimi o'rinbosari, Oila va xotin-qizlar boshqarmasi boshlig'i Malika Mamadiyeva.

Albatta, ayol tadbirkor bo'lsa, jamiyat gullab-yashnaydi, ayol ishbiarmon bo'lsa, oilalar farovonlikka yuz tutadi. Shu bois, yangi O'zbekistonning yangi islohotlarida xotin-qizlarni har tomonlama qo'llab-quvvatlash eng ustuvor vazifalardan biri sanaladi.

G'olib ABDUSALOMOV, "Yangi O'zbekiston" muxbiri

CHIQUINDIDAN TABIIY TOZA OZUQA

Agrar tarmoq



“Ko'lmakda kimdir loyqa suvni, boshqa biron esa yulduzlarning aksini ko'radi”, degan edi mashhur yozuvchilardan biri. Darhaqiqat, oramizda bizga xunuk, g'alati ko'ringan narsalarda ham go'zallikni ko'ra oladiganlar bor.

Mingbuloqlik Alijon Ro'ziboyev singari tadbirkorlar esa chiqindini foydali mahsulotga aylantirib, yaxshigina daromad topyapti. Bundan 4 yil avval Kaliforniya qizil chuvalchangi boqishni boshlagan Alijon aka Turkiyaga issiqxona tajribasini o'rganish uchun borganda biogumus tayyorlashga qiziqib qolgandi. Chunki qahramonimiz u yerdagi issiqxonalarda biogumusdan keng foydalanilayotganiga guvoh bo'ldi. O'zbekistonda ham shunday tabiiy o'g'it tayyorlaydiganlarni bormikan deb internetdan qidiradi. Andijonlik tadbirkor Rustam Usmonov chuvalchang biznesini 25 yil avval boshlagani, katta miqdorda biogumus tayyorlab sotishini bilgach, uning oldiga

BOZORDA UNING O'Z XARIDORI BOR

boradi. O'sha paytda 3 kvadrat metr joydagi chuvalchangni 9 million so'mga sotib olib kelib, 20 kvadrat joyda boqa boshlaydi. Chuvalchangning bir jufti bir yilda 2000 taga ko'payar ekan. Shuning uchun Alijon aka 2 ming kvadrat metrga yoyilgan bu hasharotlar ortidan yiliga 500 ozuqani yeb, dalada ham biznesi kengayib boryapti.

Chuvalchang biznesiga qiziqib qolgan ba'zi qo'shnilari shu ishni boshlab, 15-20 million so'mgacha foyda ko'ryapti. Yozda har kuni, qishda haftada bir marta suv quyib turiladi. Har gal yangi go'ng solinganida avvalgi go'ngni qayta ishlash, tuproqqa aylantirib bo'lgan chuvalchanglar yuqoriga chiqib oladi. Yana pastga qarab ozuqani yeb, tuproqqa aylantiraveradi. 6 oydan boshlab, 7-8 oyda tayyor bo'lib qolgan biogumus elakdan o'tkazilganida chuvalchanglar ajralib qoladi. Biogumus holiga kelgan go'ngda ozuqa qolmagani uchun hasharotlarning 70 foizi o'z-o'zidan ozuqa bor qatorga o'tib oladi. Shu tariqa keyingi qatoridagi biogumus tayyor bo'ladi. Chuvalchangning o'zini sotib

olmoqchi bo'lganlarga ozuqasi bilan kvadrat hisobida o'lchab beriladi.

To'g'ri, 3-4 yil oldin mahsulotni sotish bir oz qiyin kechdi. Bugun esa har qancha biogumus bo'lsa, qolib ketmaydi. Ayniqsa, issiqxonasi borlar, fermerlar tonnalab olib ketadi. Mirishkorlarning aytishicha, imkon bo'lsa, bir yilda bir gektarga kamida 3 tonna biogumus kerak. Har tup ko'chatga 500 gramm berilsa, natijasi tez bilinadi. Gullagan, meva tugadigan paytda berilsa, ham hosilga, ham o'simlikning rivojlanishiga ta'sir ko'rsatadi.

— Shu kunlarda 500 tonna biogumus ham sotilib ketar ekan. Esiz, zaxiramiz kamlik qildi, — deydi Alijon aka. — Nasib qilsa, faoliyatimizni kengaytirib, eksportni yo'lga qo'ymoqchimiz. Tuproq kam joylarda bu mahsulotning qadri baland. Arab mamlakatlarida uning bir kilogrammi 2 dollargacha sotiladi. Shu o'rinda chuvalchang biznesi bilan shug'ullanadigan yurtidoshlarimizdan birining gapi esga tushdi: "Chet elda biogumus tarkibi chuqur tekshiriladi. Uning tarkibidagi 4 ta

aminokislota boshqa hech narsada mavjud emas ekan". Bugun yurtidoshlarimiz ham biogumusning foydasini juda yaxshi bilib qoldi. Mineral o'g'itda pishgan mahsulot organizm uchun zararli ekanini ko'rganidan keyin mijozlar ham tabiiy pishgan mevasabzavotni qidiradi-da. Dorilangan tarvuz, tashqarisi qizil, ichi oppoq pomidorini yeb, tobi qochayotganlar kammi hozir.

Darhaqiqat, kimyoviy dorilar bilan oziqlangan mahsulotlar tarkibida nitrat miqdori oshib ketib, iste'mol qilinganda sog'liqqa putur yetkazishni mutaxassislar ham ta'kidlaydi. Ko'plab kasalliklar poliz mahsulotlarida aminokislotalar yetishmasligidan kelib chiqar ekan. Shu ma'noda, biogumus bilan oziqlangan mahsulot ekologik toza deb qadrlanayapti.

Bozorlarda biogumus nafaqat mevasabzavot, daraxtlar, balki tuvak gullar uchun kichkina hajmda qadoqlanganini ham ko'ramiz. Bunday qadoqdagi o'g'itni asosan, ayollar sotib oladi. Bugun xonaki gullarning ham yuzlab yangi xili yurtimizga kirib keldi. Gul bozoriga borib qolsangiz, turlaligidan ko'z qamashadi.

— Har bir xonadonda o'rtacha 5 tuvakda gul o'sadi deb hisoblasak, ularga bir kilogrammdan biogumus solinsa ham 5 kilogramm o'g'it ishlatiladi. Vodiyning o'zida 10 million kishi bor desak, hamma 5 kilogrammdan biogumus sotib olsa,

20 milliard so'm bo'ladi. Bir oila 10 ming so'mga 5 kilogramm biogumus solishga o'g'rinmasa kerak. O'zbekiston bo'yicha xonaki gullarga biogumusdan foydalanish yo'lga qo'yilsa, 60-70 tadbirkor biogumus tayyorlash bilan to'xtovsiz shug'ullansa,

1 milliarddan daromad topishi mumkin. Qolaversa, "Yashil makon" barpo etamiz deb minglab tub nihol ekyapimiz. Ba'zan suv quymay ekish holatlar bo'lgani uchun ko'plab ko'chat qurib qoldi. Agar har bir daraxt ostiga biogumus solinsa, bu o'g'it namlikni saqlashi hisobiga daraxtlarning qurib qolish ehtimoli kamayadi. Bundan tashqari, tuproqqa yangi o'mashgan ildizga kuchli ozuqa bo'ladi.

Buyuk alloma Abu Ali ibn Sino ham chuvalchang 40 dan ziyod kasallikka davo ekanini yozgan. Shu ma'noda, quritib, undan dori-darmon tayyorlayotganlar ham bor. Alijon Ro'ziboyev esa hozircha chuvalchang va biogumus savdosini kengaytirmoqchi. Parvarish joylarini yanada qulay, yangicha uslubda tayyorlashni rejalashtirgan. Aytishicha, tomorqada ham biogumus tayyorlab, bemalol ro'zg'or tebratish mumkin. Zero, yarim sotix yerdan 15 tonnagacha mahsulot, 30 million so'mgacha daromad olsa bo'ladi.

Munojat MO'MINOVA, "Yangi O'zbekiston" muxbiri

